

RAJOELINA EFA NANARY NY MAHA-GASY AZY

Fanambaniana ny Malagasy hoy ny filoha Marc Ravalomanana

L anona tsotra nefana nana ny naha-izy azy, ny natao teny Faravohitra nandritra ny fankalazana ny tsingerin-taona faha-74 nahaterahan'ny filoha Marc Ravalomanana, filoha nasionalin'ny antoko TIM, sady filohan'ny rodoben'ny mpanohitra RMDM, izay mbola ao anatin'ny tanjany ihany koa. Nitondra ny fia-rahabana azy nandritra izany ny solontenan'ny RMDM, Pasitera Edouard Tsarahame ; ny solontenan'ny mpiaramiasa aminy fony izy nitondra ny taona 2002 ka hatramin'ny taona 2008, ny ministra teo aloha : Mejamilado Razafimihary. Ny solontenan'ny olom-boafidy TIM : depioite sy ben'ny tanana ary mpanolotsaina, ny depioite Antsirabe II, José Randrianantenaina ary ny solontenan'ny rehetra niatrika ny lanonana ny talata teo, ny sekretera jeneralin'ny antoko TIM Rina Randriamasinoro. Nambaran'ny filoha Marc Ravalomanana nandritra izany fa mandalo krizi maro sosona, na crise multiple ny firenena amin'izao fotoana, noho izany mijorao hoy izy. Fanambaniana ny Malagasy koa ny hahala filoha an-dRajoelina izay Vazaha taratasy nanary ny maha-Malagasy azy. Tsy maintsy tohizana ihany koa ny tolona hoy izy, satria i Madagasikara dia ho an'ny Malagasy. Loha-hevity ny fotoam-bavaka nandritra izany ny tenin'ny Soratra Masina : "fa izay miandry an'i Jehovah dia handroso hery kosa ; elatra nohiakarany tahaka ny voromahery ; hihazakazaka izy nefa tsy ho sasatra, handeha izy nefa tsy ho reraka" : Isaia 40: 31. Nosoritany nandritra io fotoana io koa : "mandefitra manana ny rariny ny Malagasy, kanefa tokony hifoha sy sahy mijoro ao anatin'izao fanagejana



Ny filoha Marc Ravalomanana, 74 taona.

izay mihàtra amintsika rehetra izao. Aoka ho tsaroantsika tsara fa ny politika no manoritra ny momba anao androany sy ny hoavinao rahampitsa. Raha mahanta ianao dia nohon'ny rafitra sy ny politikam-panjakana no anton'izany. Entin'ny sasany hanararaotana ny Malagasy ny hoe tsy manana fotoana hanaovana politika, fa mila mitady izay ho hanina isan'andro ny Malagasy. Marina tokoa fa sarotra ny fiainana, kanefa izao zavamisy izao dia tsy hanatsara ny fiainan'ny vahoaka Malagasy mihtsy. Noho izany mitohy ny tolona," hoy izy.

Stefy

Antoko HVM

Hanome fampianarana teny anglisy ny tanora

Hanome fampianarana teny anglisy ny tanora liana amin'izany ny antoko HVM : Hery Vao-vaon'i Madagasikara. Maro sahady no tonga nisoratra anarana amin'izany fampianarana teny anglisy "YES andiany 2024" izany. Ho an'reo izay mbola maniry hisitraka ny fampianarana dia isaky ny alarobia ny fandraisana ny fisoratana anarana eny amin'ny QG HVM ANDRAHÁRO . Tombony lehibe ho an'ny tanora malagasy ny fisian'ny fampianarana tahaka izao, satria manampy be amin'ny fidirana amin'ny sehatry ny asa. "Haren-tsaina, fahaizana amam-pahala-lana hanampy anao tanora hanana ny maha ianao anao sy hidiranao amin'ny sehatry ny asa, izay no atolotro ho anao fa tsy sanatria sombi-mofa tsy mahavita taona



Ireo tanora nisoratra anarana teny Andraharo.

akory. Tsy afaka misaraka amin'ny FAMPANDRO-SOANA ny FANABEA-

ZANA", hoy ny Filoha teo aloha Hery Rajaonari-mampianina mahakasika

izao hetsika ara-panabeazaana izao.

Isambilo

ARFM

Endri-panjanahana vaovao no tiana hapetraka eto ka tsy ekena



nena Malagasy, nanitsakitsaka sy manitsakitsaka ny lalam-panorenna no hanao fianianana amin'ny sabotsy

izao, hoy ireo Raiamandreny ara-dRazana, ka tsy ekena mihtsy. Endri-panjanahana vaovao, no tiana hapetraka eto amin'

ny firenena, amin'izao filoha tsy Malagasy hitantana mandritra ny 5 taona izao hoy hatrany izy ireo. Tsy hisy firenena hanaiky hoentin'olona tsy mizaka zom-pireneny izany eto ambonin'ny tany ary tsy ho eto Madagasikara no anaovana izany. Madagasikara manana ny fianadianany ary tsy maintsy arovana hatramin'ny farany, hoy hatrany ny fanehoan-kevitra. Mpanao politika maro ihany koa no niatrika izao fotoam-panokafana teny Mandriambero izao.

Niaina

Ny Valosoa sy fakafaka

Fampianarana

Misy tena tsy milamina ao amin'ny Lycée teknika Antsirabe

Misy tena tsy milamina ao amin'ny Lycée teknika Antsirabe fandrahala Vakinankaratra. Araka ny fanadihadiana sy vaovao azo avy any an-toerana toy izao no tena zava-misy sy mitranga ao anion'ny Lycée technique et professionnel Antsirabe, ka anaovan'ny any an-toerana antso avo amin'ny mpitondra fanjakana. Saram-pisoratana anarana: fakana vola mitentina 50000 Ar amin'ny Ray aman-dRenin'ny mpianatra amin'ny alalan'ny "FRAM" nandritra ny taom-pianaranana 2019-2020 sy 2020-2021, nefy nisy ny toromarika hentitra avy tany amin'ny ministera, fa tsy tokony hisy ny fandoavam-bola hoan'ny FRAM. Ny kojakoja ilain'ny mpianatra: amin'ny fidirana amin'ny taona voalohany dia tsy maintsy vidiana ao amin'ny sekoly avokoa ary tsy maintsy ampiarahana amin'ny "droit d'inscription" sy ny "FRAM"ny vin-din'ny combinaison, tenue de cérémonie, tenue de gym, blouse, ireo rehetra ireo dia vidiana amin'ny sarany lafo dia lafo ka hi-fampizaran'ireo mpitantana ny sekoly ny fahazoana ny tsena amin'ny fanamboarana ireo kojakoja ireo. Marihina fa efa nisy koa ny toromarika avy any amin'ny ministera fa tsy tokony hisy izany fividianana fitaovana izany ao amin'ny sekoly. BEP sy concours : araka ny toromarika avy amin'ny ministera ihany dia tsy nisy ny droit d'examen sy concours nandritra ireny confinement ireny, gaga ny rehetra fa dia nisy ny fakana vola 2000 Ar isaky ny ankizy saingy tsy nasiana rosia hoan'ny hanao concours, fa ny BEP no nisy rosia fa ny fitambaran'ny volan'ny ankizy iray sekoly niaviana no misoratra ao anatiny. Mikasika ny "réisseur de recette": midongy mitazona ny trano izay fananan'ny LTP Antsirabe eny Soamalaza, ny vadiny izay talen'ny CEG Soamalaza ary misitraka ny trano izay fananan'ny CEG Soamalaza, ny fianakaviani izay tsy miasa ao amin'ny sekoly no mipetraka ao. Ilo "réisseur de recette" io dia tsy manao ny asan'ny lycée technique fa asan'ny FTS no ataony, noho ny saram-pianarana aloan'ny mpianatra ao ka afaka ampiasaina miaraka amin'ny chef de département FTS amin'izay rehetra itiavan'izy ireo azy. Atelier: nisy ny fitaovana toy ny tour mécanique 2, perceuse 2, raboteuse izay mody navoaka teo ivelan'ny atelier ary tsy hita intsony taty aoriania. Araka ny resaka mandeha ary misy mpampianatra sahy nilaza fa namidin'ny chef de travaux tamin'ny atelier an'olon-tsotra ireo fitaovana ireo, nefy mbola azo nampiasaina raha nividianana kojakoja nanamboarana azy. Fampiasana herinaratra ao amin'ny atelier: nividys câble ny komity FRAM ka 4 000 000 Ar ary tao amin'ny COGELEC no nividianana azy, nisy olona iray tao amin'ny komity anefa nilaza mazava fa 2 815 650 Ar no tena vidin'ilay câble. Misy 1 000 000 Ar mihoatra no tsy hita mazava ny nalehany. Connexion WIFI: andoavana vola 10 000 Ar isaky ny mpianatra ary arotsaka ao amin'ny kaontin'ny FRAM, saingy afenina no soloina mila ho isan-kerinandro ny CODE, mba tsy hahafahan'ny mpianatra mampiasa izany. Ny mpampianatra izay mba malahelo ny mpianatra no manome ny code azy ireo. Fitondrana ny mpiara-miasa: misy ny tsindry hazo lena ataon'ireo mpitantana ny sekoly amin'ny mpampianatra sy mpandrahara haizy tsy manaiky ny gaboraraka ataon'izy ireo amin'ny lafny maro ao amin'ny sekoly, satria dia ataon'izy ireo tantely afa-dra-kota avokoa ny mikasika ny resa-bola rehetra. Azo anaporofoina izany ny fahapotehan'ny ankamaroan'ny foto-draftr'asa toy ny efitano fianaranana, ny fitaovana isan-karazany. Teo ihany koa ny fanesorana ireo ECD tamin'ny fomba tsy rariny sy tsy ara-dalàna, fa satria olona avy ao Vakinankaratra avokoa ny ankamaroan'izy ireo, saingy mba nisy tompon'andrikirita tao amin'ny ministera nihaino ny fitarainan'izy ireo, ka mba tafaverina ny ankamaroany. Marihina fa ny chef de travaux no tena ati-doha tamin'ny fanesorana azy ireo ary izy tenany mi-hintsy no niteny tamin'ny mpiara-miasa izay sendra azy, fa tsy maintsy esorina satria dondrona sy vendrana daholo hono ny olona avy eto Vakinankaratra. Izy izay miteny dia avy amin'ny faritra hafa. Maro dia maro ny fitarainana nalefa tao amin'ny fitaleavam-paritra ny fampianarana teknika sy tany amin'ny ministera mikasika ny fanambaniana olona, ny fanaovana antsojai ny mpiara-miasa izay tsy mety mifanarako amin'izy ireo nefy dia ny eo ihany no eo. Zava-mitrange amin'izao fotoana izao: betsaka ary tsy tambo isaina ny fanodinkodinam-bola eto anion'ny sekoly nandritra ny fotoana maro, ka hatramin'izao. Siganina amin'izany ny marché 6181 izay mitentina 29 000 000 Ar, ny fitaovana tonga eny amin'ny sekoly dia zara raha mitentina 5 000 000 Ar. Nisy fanamboarana efitrano fianaranana izay in-4 namboarina vao vita(ny tôle nisolosy in-4 satria tôle faran'izay manify) nefy nandianana vola tsy toko tsy forohana, 4 taona aty aoriania vao vita ary zara fa vita. Misy ny fananganana tranokely tsy hay atao inona nandianana 15 000 000 Ar, izao indray dia manangana trano fivoahana, tsy mbola vita dia lazaina fa lany ny 60 000 000 Ar mahery. Maro tsy voatanisa ny olana fa ny tena tompon'antoka amin'ny fiketrehana ny vola mihodina dia ny chef de travaux sy ireo komitin'ny FRAM sasany ireo. Mitaky famotorana sy fanadihadiana lalina noho izany ny ray amandrenin'ny mpianatra, ny mpampianatra, ny mpandrahara haizy amin'ly sekoly teknika ity. Tantara mitohy.

Ny Valosoa